

Z A B I L J E Š K A

sa Treće sjednice Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša, održane 25.06.2013. godine u 12,00 sati u prostorijama Centra za podršku biznisu Općine Centar Sarajevo

Sjednici su prisustvovali: Jasminka Kovačević (zamjena za Hajrudin Hadžidedić), Esad Perenda, Meliha Avdibegović, Nihad Hadžiahmetović (zamjena za Redžo Bašić) i Divna Rodić

Opravnado odsutni: Alma Pinjić i Ivan Herceg

Neopravnado odsutni: Nermin Mandra, Jasmina Ibrahimpašić i Tajib Muminović

Sjednici su prisustvovali i: Zlata Turkić (Savez)

Na sjednici je predloženo da se u Dnevni red uvrsti i tačka Aktivnosti Saveza i Akcioni plan za 2013. godinu (UNDP-ILDP), što je i usvojeno.

D N E V N I R E D

1. Usvajanje zapisnika sa 1. sjednice Komisije
2. Nacrt izmjena i dopuna zakona o pripadnosti javnih prihoda u FBiH
3. Inicijativa Općine Olovo
4. Inicijativu Općine Kreševo
5. Aktivnosti Saveza općina i gradova FBiH i Akcioni plan za 2013.godinu (UNDP-ILDP)
6. Tekuća pitanja

S obzirom na činjenicu da predsjednik i zamjenik nisu prisustvovali sjednici, Zlata Turkić je vodila sjednicu.

1. Zabilješka sa 1.sjednice Komisije usvojena je bez primjedbi.

2. Zlata Turkić je upoznala prisutne da se Nacrt izmjena i dopuna zakona o pripadnosti javnih prihoda u FBiH nalazi u parlamentarnoj proceduri, te da su u izradi Nacrta izmjena i dopuna ovog zakona aktivno učestvovali i predstavnici Saveza. Istakla je da je ono što je bitno za jedinice lokalne samouprave je to da se finansiranje funkcija Grada Sarajeva vrši direktno sa Jedinstvenog računa (0,25% od ukupnih indirektnih poreza), kao i direktno finansiranje općina sa područje Kantona Sarajevo. Takođe, bitna je izmjena da se u svim kantonima postotak od Poreza na dohodak jedinicama lokalne samouprave poveća na 41%, osim u Kantonu Sarajevo gdje i dalje ostaje 1,79%. Nadalje, Izmjenama je omogućeno i da kantoni svojim propisima daju udio jedinicama lokalne samouprave od Poreza na dobit.

Nakon rasprave donesen je **zaključak:**

- **Nacrt izmjena i dopuna zakona o pripadnosti javnih prihoda u FBiH je dobra polazna osnova za izradu Prijedloga izmjena i dopuna zakona o pripadnosti javnih prihoda u FBiH.**

3. Nakon rasprave o Inicijativi Općine Olovo koja se odnosi na podršku za Rezoluciju koju je donijelo Općinsko vijeće povodom Prijedloga prostornog plana FBiH, zaključeno je: Komisija predlaže Predsjedništvu Saveza da podrži Rezoluciju Općine Olovo.

4. Raspravljajući o Inicijativi Općine Kreševo koja sadrži nekoliko oblasti (šume, koncesije, raspodjelu javnih prihoda, javni dug i cjeloživotno obrazovanje-učenje Komisija je donijela **zaključak**:

- **Podržava se Inicijativa Općine Kreševo u dijelu Zakona o koncesijama Srednjobosanskog kantona u smislu da uputi dopis Ministarstvu finansija/finansija Srednjobosanskog kantona u kome treba podržati Općinu Kreševo u njenom potraživanju sredstava po osnovu naknade za koncesije. U slučaju negativnog ishoda, uputiti Općinu Kreševo mogućnost na sudsko izvršenje naplate duga.**

(-Sprovođenje Zakona o koncesijama KSB)

Poduzimanje aktivnosti za naplatu koncesija od strane nadležnog Kantonalnog Ministarstva. Općina nema nadležnosti oko naplate naknade po osnovu koncesije iako se opet radi o prirodnom bogatstvu općine. Izbjegavanjem plaćanja ove vrste naknade od strane koncesionara, s jedne strane i pasivnom ulogom nadležnog Ministarstva Proračun općine je direktno oštećen. Kao primjer navodimo da općina Kreševo trenutno potražuje 355.235,11 KM sredstava po osnovu naknade za koncesije (službeni podatak Ministarstva finansija KSB).

- **Podržava se Inicijativa Općine Kreševo u dijelu donošenja Zakona o cjeloživotnom obrazovanju-učenju u smislu da uputi dopis Federalnom ministarstvu obrazovanja u cilju donošenja ovog zakona.**

(-Donošenje Zakona o cjeloživotnom obrazovanju-učenju)

Prema Organizaciji za ekonomsku suradnju i razvoj (OECD), uključenost bih građana u dobi od 25 do 64 godine u cjeloživotno učenje je vrlo niska, ispod 2%, dok je prosjek Europske unije 9.7 %. Jedan od ciljeva Zakona o cjeloživotnom obrazovanju-učenju, koji druge zemlje imaju već desetljećima , jest povećanje ovog udjela.

Zakon se može smatrati i "drugom šansom" za sve one koji su imali propuste u tradicionalnom obrazovanju, a to se pogotovo odnosi na osobe bez završene osnovne škole, kojih je u Bosni i Hercegovini jako mnogo. U novinama smo mogli pročitati da je oformljena i radna grupa za izradu Zakona o cjeloživotnom učenju na nivou FBiH čiji rad je organiziralo Federalno ministarstvo obrazovanja i nauke. Sukladno tome ide i ova inicijativa.

Cilj za donošenje ovog zakona jeste da se obrazovanje odraslih definira javnom službom, da se uspostavi obrazovanje odraslih kao dio jedinstvenog sustava obrazovanja, da se razvije ponuda u skladu s obrazovnim potrebama čime bi se povećala mogućnosti zaposlenja nakon obrazovanja a sukladno potrebama tržišta.

Dakle, obrazovanje odraslih obuhvaća cjelinu procesa učenja odraslih namijenjenih ostvarivanju prava na slobodan razvoj osobnosti, osposobljavanju za zapošljavanje: stjecanju kvalifikacija za prvo zanimanje, prekvalifikaciji, stjecanju i produbljivanju stručnih znanja, vještina i sposobnosti, osposobljavanju za aktivno građanstvo.

Obrazovanje odraslih temelji se na načelima:

- cjeloživotnog učenja,
- racionalnog korištenja obrazovnih mogućnosti, teritorijalne blizine i dostupnosti obrazovanja svima pod jednakim uvjetima, u skladu s njihovim sposobnostima,
- slobode i autonomije pri izboru načina, sadržaja, oblika, sredstava i metoda,
- uvažavanja različitosti i uključivanja,
- stručne i moralne odgovornosti andragoških djelatnika,
- jamstva kvalitete obrazovne ponude,
- poštovanja osobnosti i dostojanstva svakoga sudionika.

5. Uvodne napomene dala je Zlata Turkić i napomenula da je Savez općina i gradova implemetator ILDP projekta UNDP-a (Projekat integriranog lokalnog razvoja) čiji je specifični cilj poticanje razvoja lokalne samouprave u FBiH i pružanje alata i savjetodavnih usluga u primjeni usklađenog pristupa strateškom planiranju i upravljanju lokalnim razvojnim procesima kroz održivi servis linije unutar Saveza. Očekivani rezultati ovog projekta su strateško planiranje i upravljanje servis linija koja je osnovana i djeluje u okviru Saveza i nudi informacije, alate i najbolje prakse svim jedinicama lokalne samouprave u FBiH.

Nakon rasprave o ovim dokumentima donesen je **zaključak**:

- **Komisija usvaja Akcioni plan za 2013. godinu (UNDP-ILDP) i koncept Aktivnosti Saveza općina i gradova FBiH u vezi sa ovim planom.**

6. U okviru ove tačke dnevnog reda nije bilo rasprave.

Sjednica je završena u 13,30 sati.

Zapisnik sačinila: Zlata Turkić